

# خزینہٴ اوراق

نمبر  
۲۳

جمعہ ابرتسی

تاریخ تألیف  
۱ مایس سنہ ۱۲۹۲

عمومی اعتباریہ فتونہ دائر رسالہٴ ادبہ در

آیدہ درت کرہ اولہ رق جمعہ ابرتسی کونلری چبقار

(مانیه تیر زمانیمال) یعنی قوه، جازبه حیوانیه ایله  
 بعض امور حارق العاده نك اجراسنه مقتدر اولدیغی  
 ادعایله بوندن اقدم اوروپاده ظهور ایدن بر فرقه  
 عجیبه نك تصورات و تشبیهاتنه دائر بعض حکایات  
 و لطائفک مختصراً ذکر و بیاننه ابتدار قلندی  
 شویله که :

پارسیه باصیلان دیا غزته سنی مطالعه ایدنلرک حاطرلرند  
 درکه متوفی لونی ناپولیونک ایمپراطورلنی اوانلنده پارسه موسیو  
 «هون» نامنده بر امریقائی کلش ایدی بوادم سحر بازی حوقه  
 بازی یوخسه یزم بیلوب اکلایه مدبغمز بشقه بر هنر صاحبی  
 می ایدی بوراسی اول ائشاده لایقیله اکلاشیله مامش ایدی  
 ایسه ده موسی الیه بعض جمعیتلرده اجرای صنعت و اظهار  
 معرفت ایلدیکی صوره ده عقل و حکمته اصلاً توافقی ایتمز برطاقم  
 اقوال غریبه و افعال عجیبه ظهور ایدوب ایچلرندن بعضیلری  
 زیاده سیله خلقک تعجب و استغرابنی مؤدی اولدیغندن بونلرک  
 علی وجه الاختصار ذکر و بیاننه ابتدار قلندی شویله که :

موسی الیه بر کیجه ایمپراطورک حضورنده بولنوب صنعت  
 و معرفتیه و بلکه قدرت فوق العاده سنه دائر اولان صحبت آره.  
 سنده حضاردن بری قدرت الهیه ندر بونی بزه کوستره.  
 یلمور میسون دیو کندوسندن سؤال ایلدکده استدیگکیزی شمیدی  
 سزه کوسترهیم دیسی اوزرینه دیوانخانده نك اورتاسنده انسان

الی شکلنده بر نوپاره ظهور ایدوب ضیاسنک تاثیرندن طولای  
دیوانخانه ده موجود متعدد آویزه لک ضیاسی بتون بتون قرارمش  
حکمه کیردکنسکره اول نور پاره ایمراطورک یازوخانه سی  
اوزرینه اینوب بر کاغد اوزرینه یازو یازار کبی حرکت  
ایتدکنسکره نابدید اولمش و مرقوم حوقه باز درحال مذکور  
کاغدی آلوب اوزرنده کی اشارتلی عرمانه اولمرق ایپرا-  
طوره تعریف ائلشدر .

ینه مومی الیه بر کون بشقه بر جمعیتده بولنوب موتانک  
ارواحدن هر قنغیسی طلب اولنور ایسه جلب واره سنه  
مقتدر اولدیغنی بیان ایتمی اوزرینه حضاردن بعضیلرینک  
طلبی وجه اوزره یتش سکیان سنه مقدم وفات ایدن بعض  
مؤلفین صرهنده لسان عثمانیده ترانده بول قرالی دینگله معروف  
اولان پروسیا قرالی قوجه فرهدریقک شکل و صورتی دخی  
نمایان اولشدر .

مومی الیهک پارسه وصولندن مقدم ( مایه تیرم ) یعنی قوه  
جازه قوتیه حابق العاده برطاقم معاملاتک اجراسنه مقتدر  
بعض اشخاص ظهور ایتش ایدی ایسه ده بو ماده ایچون  
صورت رسمیده اجرا اولنان امتحان و تجربه زده مطلوبه موافق  
بر نتیجه حاصل اولم مدیغندن انلرک ادعاری متروک و معطل  
قلمشیکن حقه باز مومی الیهک اقوال و حرکاتی اشخاص مرقو-  
مدنک ادعارینه منضم اولنجه بوئلرک اقوال و معاملاتی  
( مایه تیر مانیال ) یعنی قوه جاذبه حیوانیه نامیه بیاضی بر  
مذهب حائنه کیرمش اولدیغندن بونک حقیقت و محسناشدن  
بحث ایدن پک چوق کتابلر بصلدی بو مذهب دائر مخصوص

غزتلر چیقارلدی اربابنک دعوالری کوندن کونه بیودی پکمش  
 زمانده کی وقوعاتی کله جک وقتک تبدلات و انقلاباتی بطلک  
 کندولر نجه امور عادیه حکمنه کیردی یوز سنه بشوز سنه  
 بیک سنه اول وفات ایدنلرک ارواحنی احضار واستجواب  
 ائیلک جزء یجه بر همته محتاج بر کیفیت اولدیغنی ادعا ایلدیله  
 والحاصل شو مذهب غریب مدت قلیله ظرفنده اوروپانک هر  
 بر طرفنه منتشر اولوب یو کا اعتقاد ایدنلرک مقداری دخی کرکی  
 کبی چوغالدی .

اما ارباب حسد وخصوصا زمره معترضین مذهب مذکورک  
 اساسی بر طاقم اوهام وخیالاته مبتنی اولوب معاملات مشرو-  
 حدنک اجرایی دخی مجرد بعض ساده دلانک افجه سنی قایمق  
 غرضنه مبتنی اولدیغنی ادعا واثبات مدعا ضمنده بر طاقم  
 دلائل مقنعه دخی سرد وایان ایتمش اولدقلرندن بو کیفیت  
 مذهب مذکورک رواج وانتشارینه کرکی کبی مانع اولمش  
 ایسده بونک اهل وازبابی هنوز دعوا وادعالرندن فارغ  
 اولیبوب بر طاقم کتب ورسائل غریبه نک فشری ایله  
 مذهبلینک انتشارینه صرف قدرت ایتمکده در .

آلت طرفی وار

شورای دولت هیئت تحریریه سی

معاونلکندن متقاعد

محمد المنصور